

一點也貓，百點也貓

人性攏全款，做一擺歹代誌，和做一百擺歹代誌，心內的感覺毋啥物差別，也就是諺語講的，一點也貓，百點也貓。

親像初次食薰、食毒、做賊、做娼、搶劫的人，心內攏嘛足驚惶、足見笑；做過一擺了，第二擺閣做，彼種罪惡感都去一半去矣；做過足濟擺了，心毋但麻痺爾，閣會自我支持、催眠：我天生就是彼種料。

頭無人咧洗一半的，好代誌嘛 siang7 款。四箍圍仔點點咧，咱發覺捐錢、捐血、做義工、熱心公益的人，攏已經持續真久長的時間矣，因為伊認定家己是一 e5 做好代誌的人。

這就是心理學講的，門內跣效應，一跣若踏入戶 ting7 內，第二跣一定綴咧入來。所以想欲做好事的人，請勇敢踏出你的第一步；想欲教好下一代的人，嘛請你趕緊 tshua7 下一代去做對的，予伊自我認同，我是好人彼國的。

曷若想欲做歹代誌的人，你若共家己講：

「四邊無人，偷一擺著好！」

有一著有二，有二著有三、四、五、六-----你有可能一直偷落去。上起碼，你心內有一 e5 抹袂掉的記號：我是賊！

因為，一點也貓，百點也貓；偷一遍是賊，偷一百遍嘛是賊。